

آبونه سرائطی

ممالك عثمانیه ده سنه لکی (۶۵)، آلتی
آیلفی (۳۵) غروشدر.
ممالك اجنبیه ده سنه لکی (۸۰)، آلتی
آیلفی (۴۵) غروشدر.

اداره خانه

باب عالی جاده سنده دائرة مخصوصه

اضطارات

آبونه بدلی پشیندر.

مساکه موافق آثار مع المونیة قبول
اولنور. درج ابدله بن یازیلر اعاده
اولونماز.

الکتاب

اضطارات

رساله مزدن آلتدیفی کوسترک
شرطیه بتون یازیلر هرمانکی بر
غزته طرفندن اقتباس اولونه بیلیر.
مکتوبلرک، امضالری واضح و
اوقوناقا اولسی، وابونه سره
نومروسی محتوی بولنسی لازمدر
ممالك اجنبیه ایچون آبونه اولانلرک
آدرس لرینک فرانسزجه ده یازلسی
رجا اولنور.
باره کوندردلکی زمان نه به دائر
اولدیفنک واضحاً بیلدیرلسی رجا
اولنور.

دینی، فلسفی، علمی، ادبی هفته لاق مجموعه اسلامیه در

صاحب و مدیر مسئول

باش محرر

اشرف اریب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

مطبوعات

مکتبلرده دین اساسی اوزرینه تربیه

«وایمار» معارف مشاوری قارل مونهسیوس طرفندن یازیلوب ثروت فنون اداره سی معرفتیه ترجمه ونشر اولونان «آلمان مکتبلی» عنوانی رساله دن آتیدکی فقره لازم کلنلرک نظر دقتیه وضع اولنور: «مکاتب عمومیه نیک تدریسات پروغرامی، تدریسات دینی نیک انسام اصلیه دن بولونماسیه بر ماهیت مخصوصه بی حائزدر. آلمانیا، دیگر مملکتلرده بولایینی کی، بونک برینه تدریسات اخلاقیه اقامه ایتیه جکدر. هرکس قناعت حاصل ایتشدرکه تدریسات دینی بونک بر قیمتی بولونان نم روحیه نیک انکشافاته معطوفدر. حرب حاضرده آلمانیا نیک اظهار ایتش اولدینی محترم منظره قدرت و وحدت، آلمان روحنده جوال بر حسن دینیک موجودیتی کوستردی و دین اساسی، آلمان قوتنک اک مؤثر عواملی میاننده در.»

مقالات

صرب سفری و شرق

ایشته صرب سفری ختام بولوق اوزرهدر. بر سنهدن برو بوکا کمال تهالکله انتظار اولنیوردی. بو اوچنچی بالقان محاربه سی هیچ شبهه سز حرب عمومینک طالع و مقدراتی بر آن اول اکل و تعیینه خدمت ایدم جکدر. برلیندن کابلده قدر خطوط مواصله بی تأمین ایدم جک اولان بوسفر جنکجهویانه دن بالجه ملل شرقیه و اسلامیه بک زیاده استفاده ایلیم جکدر. آرتق مرکزی اوروپا دن استانبول طریقیه شرقیه هر شی سوق و ایصال اولنه جنی مسلمدر. بوسفرک موقعیتله نتیجه لنسی قوه قریبه یه کلشدر. مصر، هندستان، ایران، افغانستان بوحركات حربیه اخیره دن ان شاء الله بحق مستفید اوله جکلردر. بونک ایچوندرکه اوروپاده، خصوصیه ائتلاف پاتختلرنده دهشتی بر خوف و تلاش اورته لنی استیلا ایتش، بر چوق رجال سیاسیه ایلیم قاینه لرک موقعاری تزلله اوغرامشدر. فرانسه، انکلتزه، ایتالیا مطبوعاتی بالقان وضعیتی حقنده مایوسانه، بدینانه مطالعاتده بولونمقده، بربرلینی تنقید و مؤاخذه ایتکده درلر.

ائتلاف مثلیک سیاستری، بول پارملری، مدعش انتریقه لری بالقان ساحه سنده محکوم افول، بوتون مساعیلری هباوهدر اولدی. بلغارلر آمال ملیه لری استحصال خصوصنده حقیقه بویوک بر عزم و ثبات کوستردیلر. نه ائتلافک مواعید و تهدیدی قاله آلدیلر، نده بول کیسه دن تقدیم ایتدکاری بخششاره قولاق آسیدیلر. بالقان حرکاتی نتیجه سنده انکلتزه و فرانسه بالجوریه چناق قلعه و کلیولی شبه جزیره سنده کی فعالیتلرندن واز کچور، سلاویک عسکر اخراجی مسئله سیله اوغراشیورلر. فقط نهدن صوکره؟ صربستانی اوچ طرفدن، الی، یدی قولدن احاطه ایدن مدعش المان، اوستریا - مجار، بلغار سونکولری اوقدر التزام سرعت ایتدیلرکه، هفته سنده

صربستانک یاریسنی اشغال وسلانیکدن امداده شتابان اوله جق قوتلرک خط مواصله سنی کسیدیلر. صربستانک برنجی پاتختی اولان بلغراد دوشدی، ایکنجیسی ایسه سقوطه محکوم بر حالده بولونیور. برلین استانبول شاهراهی یاقینده تمامیه آچیله جق و ان شاء الله ائتلافیلرک جدی فلاکتی باشلایه جکدر.

ایراندن، افغانستاندن کلن مطبوعات او طرفلرک احوال روحیه سیله افکار عمومیه سنی انکلتزه و روسیه علینده هیجانلی، بولوطلی کوستریور. ایران جنوبیه جریان ایدن مصادمات نتیجه سنده بو آنه قدر انکیزلردن بش بیکی متجاوز تلفات وقوع بولشدر. روسیه و انکلتزه نیک اصفهان و شیراز قونسولوسلری قتل ایدیلرک، بوتون تبعه لری، باقه دیرکتورلری فرار ایدرک طهران کیتمشارد. انکلتزه ایران مجاهدلرینک یومروقلرینی طانجه خارجیه نظارتی مستشاری لورد (سهیل) ایرانه معاونت لزومندن بحث ایدرک ایرانی. اغفاله چالیشدی. فقط کچمش اولسون. دولت عثمانیه نیک حرب عمومی به اشتراکیه اتفاق حکومتلرینه التحاق هم اسلام حکومت و ملتلرینی، همده بالقان سیاستی انکلتزه و روسیه علینده آفاقلاندیردی. بوحقیقی انکلتزه نیک اک آغیر باش واک طوغری سویلین (مانچستر غاردیان) و (شرق قریب) غزته لری اعتراف ایتدیلر؛ ادوار غریمک عدم بصیرت نتیجه سی اوله رق اتخاذ ایتش اولدینی طرز سیاستی آچیق و صریح بر صورتده تنقید ایدرک، سرکردن چکیلیمسینی توصیه ایدیلر. روس قونسولوسلرینک رسمی راپورلرینه نظراً افغانستانده آلتش بیک کیشیک بر قوت، بر سمت مجهوله طوغری آماده حرکت و عزیمتدر. روس قونسولوسلری طبعیدرکه افغانستان و ایرانه دائر اولان نقطه نظرلرینی کندی حکومتلرینه حسب الوظیفه بیلدیرمش اولدقلر یچون، یلان سویله مشاردر.

ایران جنوبیه باشلایان ملی حرکات ایرانک هر طرفده، هر عنصرنده سرور و هیجانله قارشیلانمشدر. ایران ده موقراتلری طهرانده، کرمانشاهده، همدانده، هر طرفده ملی کوللو آلایلری تحشید ایتکله مشغولدرلر. ایران حکومتی احتمالک وقت مرهونه قدر موضعی بر سیاست تعقیب ایدم جک و ایلک بهار چیچکلری آچیلرکن حقیقی سیاستی، وضعیتی طاقه جق؛ بلغارستان کی ائتلافیلری حیرتدن حیرته القا ایلیم جکدر. عالم اسلامک کوبکنده بولونان ایرانک ائتلاف علینده آفاقلانسیه، بالطبع آکا مجاور سائر حکومت و عناصر اسلامیه نیک ده میدان آتیه جکلری شبهه سزدر. ائتلافک بویوک بویوک اردولری هر طرفده مغلوب اولدی، عظیم دونماری هیچ بر ایش کورهدی. یالنکز چناق قلعه ده یوز بیککرجه انسان، بر چوق سفائن حربیه ضایع ایتدیلر. سیاه ستلری هزیمته، نفوذ و حیثیتلری انقراضه محکوم اولدی. آرتق بوتون جهان نظرنده تحقق ایتدی که اوشوکت و عظمت هپ ساخته ایتش، هپ انتریقه و تزویر سایه سنده موقعلرینی محافظه ایدم بیلورلر مش... ادوار غریمک، ساسانوفه قاووق صالامسی ویولاریف آنک الله